

蠶桑萃編

蠶桑萃編敘

國朝畿輔總制歷年最久善政最多者首推桐城方恪敏公繪棉花圖以惠閭閻厚民生也余忝督篆念畿輔水旱偏災亟思補救因辦蠶桑一局命司道綜理其事今春衛道以所述蠶桑圖說淺說問序於余戊機之暇披閱是書上冊種桑圖說有八中冊養蠶圖說十有二下冊繰絲紡織圖說有八事有本末語無枝葉穉童老嫗猶能解曉以其心體力行故言之厯厯如繪也粵自同治九年移節畿輔因地瘠民貧卽飭官斯土者興蠶桑利或政事紛繁不遑兼顧或視

爲不急求肯深求間有究心樹藝一經遷任桑桑萌
葉多被踐踏斧戕及綜核名實咸以北地苦寒不宜
蠶桑對每聞而疑之幽風農桑並重聲發栗烈與此
地等且余往年躬履川北各郡風土氣候畧同三輔
歲獲蠶桑重利是非北地不宜實樹藝有未講也迨
光緒十八年春以衛道籍隸蜀郡深諳樹藝俾會同
長白裕藩司設局提倡由川揀子種購蠶紙選工匠
來直試辦於保定西關擇沃壤爲桑田課晴雨以審
天時辨旱潦以廣地利勤培養以盡人力切實講求
冀必有成十九年得桑百萬有奇二十年得桑四百

萬有奇各屬紳民領桑蠶者遣教習導之民間歲益
絲繭以數十萬斤計而所增土產在十萬金以上矣
此傳所謂務材訓農者與局中工匠率聰慧子弟縑
絲紡絡織緞製綢如式並鄉間開機試織其大宗絲
繭派員收買出洋銷售以便民商暢行此傳所謂惠
工通商者與夫以目前種桑與恪敏種棉其爲我

國家

衣被羣生者猶是幽風圖繪遺意綜計蠶桑一事經
營十餘年尙未就緒自壬辰迄乙未閱時未久種桑
養蠶織紡三端漸有可觀司事者其各免厥職勿避
嫌疑痼念時艱集眾思廣忠益開誠心布公道務期

實惠及民久久行之籍補水旱偏災之不逮是則余之厚望也夫

光緒二十有一年夏四月直隸總督合肥李鴻章撰

圖

譜



蠶桑萃編卷十一

圖譜目錄

桑器圖類

桑梯圖

桑鈎圖

桑網圖

桑籠圖

桑碓圖

桑夾圖

蠶器圖類

火倉圖

擡爐圖

藁薦圖

箔曲圖

蠶筐圖

蠶盤圖

蠶槌圖

蠶架圖

蠶網圖

葉篩圖

團簇圖

馬頭簇圖

蠶室圖

祀先蠶圖

下子掛連圖

擇種圖

浴種圖

稱連下蟻圖

分蟻圖

頭眠圖

二眠圖

大眠圖

上簇圖

摘繭圖

蒸繭圖

晾繭圖

紡織器圖類

冷盆水絲圖

熱釜火絲圖

腳踏紡車圖

解絲絡車圖

緯車圖

絲雙圖

江浙水紡圖

四川旱紡圖

經絲圖

紉絲牀圖

織機圖

織絛圖

砧杵圖

棉矩圖

絮車圖

謝先蠶圖

桑梯圖



桑梯圖說


桑梯說文曰梯木階也夫桑之裨者用几採摘其桑之高者須梯剝斫梯若不長未免攀附勞條不還則鳩脚多亂膠枝折垂則乳液旁出必欲趁手高下隨意去留須梯長可也齊民要術云採桑必須長梯梯不長則高枝折正謂此也

桑鉤圖



桑鉤圖說

桑鉤採桑具也凡桑者欲得遠揚枝葉引近就摘故用鉤木以代臂指攀援之勞昔者親蠶皆用筐鉤採桑唐上元初獲定國寶十三內有採桑鉤一以此知古之採桑皆用鉤也然北俗伐桑而少採南人採桑而少伐歲歲伐之則樹脈易衰久久採之則枝條多結欲南北隨宜採斫互用則桑鉤爲採桑要器




桑綱圖

桑網圖說

桑網盛葉繩兜也先作圈木緣圈繩結網眼圓垂三尺有餘下用一繩紀爲網底桑者挈之納葉於內網腹旣滿歸則解底繩傾之或人挑負或用畜力馱送比之筐盤甚爲輕便北方蠶家多置之

桑籠圖



桑籠圖說

桑籠集韻云籠大簍也卽今謂有係筐也桑者便於
携挈古樂府云羅敷善採桑城南頭青絲爲籠
繩桂枝爲籠鈎今南方桑籠頗大以擔負之尤便於
用